







John Carter Brown



THOMPSON,
Relieur,
Rue des Filles St. Thomas
N^o 5.
Place de la Bourse.



35:1

Sernant p. 57
n° 289.

c

COMMISSIONS DV

Roy *et* de Monseigneur l'Admiral,
au sieur de Monts, pour l'habi-
tation és terres de Lacadie
Canada, & autres en-
droits en la nouuelle
France.

Collegij Paris. Soc. IESV.

Ensemble les defenses premieres & secon-
des à tous autres, de trafiquer avec
les Sauvages desdites terres.

Avec la verification en la Cour de Parlement à Paris.



A PARIS.

Par Philippes Patisson.

1605.

Avec Permission.

212 A B A

Mr. Philipps Patton.



COMMISSIONS DV ROY

ET DE MONSEIGNEVR

l'Admiral, au sieur de Monts, pour
l'habitation és terres de Lacadie
Canada, & autres endroits
en la nouuelle France.

*Ensemble les defenses premieres & secondes à tous autres,
de trafiquer avec les Sauvages desdites terres.*

Avec la verification en la Cour de Parlement à Paris.



ENRY par la grace de
Dieu Roy de France &
de Nauarre, A nostre
cher & bien amé le sieur
de Monts, Gentilhomme
ordinaire de nostre chā-
bre, Salut. Comme no-

stre plus grand soing & trauail soit & ait
tousiours esté, depuis nostre aduenement
à ceste Couronne, de la maintenir & con-
seruer en son antienne dignité, grandeur
& splendeur, d'estendre & amplifier autant
que legitiment se peut faire, les bornes

A ij

& limites d'icelle . Nous estans de long
 temps a informez de la situation & con-
 dition du pais & territoire de Lacadie,
 Meuz sur toutes choses d'un zeile singulier
 & d'une deuote & ferme resolution que
 nous auons prinse, avec l'aide & assistance
 de Dieu, Autheur, distributeur & prote-
 cteur de tous Royaumes & estats, de faire
 conuertir, amener & instruire les peuples
 qui habitent en ceste contree, de present
 gens barbares, athees sans foy ne religion,
 au Christianisme, & en la creance & pro-
 fession de nostre foy & religion: & les reti-
 rer de l'ignorance & infidelité où ils sont.
 Ayans aussi dès long temps recogneu sur
 le rapport des Capitaines de nauires, Pilo-
 tes, Marchands & autres qui de longue-
 main ont hanté, fréquenté & trafiqué a-
 uec ce qui se trouue de peuples esdits lieux
 combien peut estre fructueuse, commodé
 & vtile à nous, à nos Estats & subiects, la
 demeure, possession & habitation d'iceux
 pour le grand & apparent profit qui se re-
 tirera par la grande frequentation & ha-
 bitude, que lon aura avec les peuples qui
 s'y trouuent, & le trafic & commerce qui
 se pourra par ce moyen seurement traiter
 & negotier, N o u s pour ces causes à plain

confians de vostre grande prudence, & en la cognoissance & experience, que vous auez de la qualité, condition & situation dudit pays de Lacadie : pour les diuerfes nauigations, voyages & frequentations que vous auez faits en ces terres, & autres proches & circonuoisines. Nous assurant que ceste nostre resolution & intention, vous estant commise, vous la sçaurez attentifvement, diligemment & non moins courageusement, & valeureusement exécuter & conduire à la perfection que nous desirons. V o u s auons expressement Cōmis & estably, & par ces presentes signees de nostre main, Vous commettons ordonnons, faisons, constituons & établissons, nostre Lieutenant general, pour représenter nostre Personne, au pais, territoire, costes & confins de Lacadie. A commencer dès le quarantiesme degré, iusques au quarantesixiesme. Et en icelle estendue, ou partie d'icelle, tant & si auant que faire se pourra, establir, estendre & faire cognoistre nostre nom, puissance & autorité. Et à icelle assubiectir, submettre & faire obeir tous les peuples de ladite terre, & les circonuoisins: Et par le moyen d'icelles & toutes autres voyes licites, les appeller

faire instruire, prouoquer & esmouuoir à
 la cognoissance de Dieu, & à la lumiere de
 la foy & religion Chrestienne, là y establir
 & en l'exercice & profession d'icelle,
 Maintenir, garder & obseruer lesdits peu-
 ples, & tous autres habituez esdits lieux,
 & en paix, repos & tranquillité, y com-
 mander tant par mer que par terre. Or-
 donner, decider, & faire executer tout ce
 que vous iugerez se debuoir & pouuoir
 faire, pour maintenir garder & conseruer
 lesdits lieux soubz nostre puissance & au-
 thorité, par les formes voyes & moyens
 prescripts par nos ordonnances. Et pour y
 auoir esgard avec vous, cōmettre, establir
 & constituer tous officiers, tant és affaires
 de la guerre, que de iustice & pollice pour
 la premiere fois, & de là en auant nous les
 nommer & presenter: pour en estre par
 nous disposé & donner les lettres, tiltres
 & prouisions tels qu'ils seront necessaires
 Et selon les occurrances des affaires, vous
 mesmes avec l'aduis de gens prudens & ca-
 pables, prescrire soubz nostre bon plaisir,
 des loix statuts & ordonnances autant
 qu'il se pourra, conformes aux nostres,
 notamment és choses & matieres ausquel-
 les n'est pourueu par icelles, traicter & cō-

traicter à mesme effect, Paix alliance &
 confederation, bonne amitié corespon-
 dance & communication avec lesdits
 peuples & leurs Princes, ou autres ayans
 pouuoir & commandement sur eux. En-
 tretenir, garder & soigneusement obser-
 uer, les traittez & alliances, dont vous cō-
 uiendrez avec eux: pourueu qu'ils y sa-
 tisfacent de leur part. Et à ce defaut, leur
 faire guerre ouuerte, pour les contraindre
 & amener à telle raison, que vous iugerez
 necessaire, pour l'honneur, obeissance &
 seruice de Dieu, & l'establissement ma-
 nutention & conseruation de nostredite
 autorité parmy eux: du moins pour
 hanter & frequenter par vous, & tous nos
 subiets avec eux, en toute asseurance, li-
 berté frequentatiō & communicatiō, y
 negotier & trafiquer amiablemēt & paifi-
 blement. Leur donner & octroyer graces
 & priuileges, charges & honneurs. Lequel
 entier po uoir susdit, Voulons aussi & or-
 donnons; Que uous ayez sur tous nosdits
 subiets & autres qui se transporteront &
 voudront s'habituier, trafiquer negotier &
 resider esdits lieux, retenir prendre reser-
 uer, & vous approprier ce que vous vou-
 drez & verrez vous estre plus comode &

propre à vostre charge qualité & vsage desdites terres, en departir telles parts & portions, leur donner & attribuer tels tiltres honneurs, droits pouuoirs & facultez que vous verrez besoing estre, selon les qualitez, conditions & merites des personnes du pais ou autres. Sur tout peupler cultiuier & faire habituer lesdites terres, le plus promptement soigneusement & d'extremement, que le temps les lieux & commoditez le pourrōt permettre: en faire ou faire faire à ceste fin la decouuerture & recognoissance en l'estendue des costes maritimes & autres contrees de la terre ferme, que vous ordonnerez & prescrirez en l'espace susdite du quarantiesme degré iusques au quarantefixiesme, ou autrement tant & si auant qu'il se pourra le long desdites costes, & en la terre ferme. Faire soigneusement rechercher & recognoistre toutes sortes de mynes d'or & d'argent, cuiure & autres metaux & myneraux, les faire fouiller, tirer purger & affiner, pour estre conuertis en vsage, disposer suiuant que nous auons prescrit par les Edicts & reglemens que nous auons faits en ce Royaume, du profit & emolument d'icelles, par vous ou ceux que vous aurez establis à

blis à cest effect, nous reseruant seulement le dixiesme denier de ce qui paruiendra de celles d'or, d'argent & cuiure, vous affectans ce que nous pourrions prendre ausdits autres metaux & mineraux, pour vous ayder & soulager aux grandes despences que la charge susdite vous pourra apporter. Voulant cependant; que pour vostre seureté & commodité, & de tous ceux de nos subiects, qui s'en iront, habiteront & traficqueront esdites terres: comme generalmente de tous autres qui s'y accommoderont soubz nostre puissance & autorité, Vous puissiez faire bastir & construire vn ou plusieurs forts, places, villes & toutes autres maisons, demeures & habitations, ports, haures, retraittes & logemens que vous cognoistrez propres vtils & necessaires à l'execution de ladite entreprise. Establir garnisons & gens de guerre à la garde d'iceux. Vous ayder & preualloir aux effects susdits des vagabons personnes oiseuses & sans adueu, tant es villes qu'aux champs: & des condamnez à banissemens perpetuels, ou à trois ans au moins hors nostre Royaume, pourueu que ce soit par aduis & consentement & de l'autorité de nos officiers. Outre ce

que dessus, & qui vous est d'ailleurs prescript, mandé & ordonné, par les commissions & pouuoirs, que vous a donnez nostre trescher cousin le sieur d'Ampuille Admiral de France, pource qui concerne le fait & la charge de l'Admirauté, en l'exploict, expedition & execution des choses susdites, faire generally pour la conqueste peuplement, habitation & conseruation de ladite terre de Lacadie, & des costes territoires circonuoisines & de leur appartenances & dependances sous nostre nom & autorité, Ce que nous mesmes ferions & faire pourrions si presens en personne y estions. Iacoit que le cas requisit mandement plus special, que nous ne le vous prescriuons par cesdites presentes, au contenu desquelles, Mandons, ordonnons & tres-expressement enioignons à tous nos Iusticiers, Officiers & subiets, de se conformer: Et à vous obeir & entendre en toutes & chacune les choses susdites, leurs circonstances & dependances. Vous donner aussi en l'execution d'icelles tout ayde & confort, main-forte & assistance dont vous aurez besoing, & seront par vous requis, le tout à peine de rebellion & desobeissance. Et afin que personne ne pre-

tende cause d'ignorance de ceste nostre intention, & se vueille immiscer en tout ou partie, de la charge dignité & autorité que nous vous donnons par ces presentes: Nous auons de nos certaine science plaine puissance & autorité Royale, reuoké, supprimé & déclaré nuls & de nul effect, cy apres & des à present, tous autres pouuoirs & Commissions, Lettres & expeditions donnez & deliurez à quelque personne que ce soit, pour descouvrir, conquerir, peupler & habiter en l'estendue fisdite desdites terres situees depuis ledit quarantiesme degré, iusques au quarante sixiesme quelles qu'elles soyent. Et outre ce mandons & ordonnons à tous nosdits Officiers de quelque qualité & condition qu'ils soyent, que ces presentes ou vidimus deuement collationné d'icelles par l'un de nos amez & feaux Conseillers Notaires & Secretaires, ou autre Notaire Royal, ils facent à vostre Requeste poursuite & diligence, ou de nos Procureurs, lire, publier & registrer és registres de leurs iurisdctions, pouuoirs & destroits cessant en tant qu'à eux appartiendra, tous troubles & empeschemens à ce contraires. Car tel est nostre plaisir. Donné à

Fontainebleau le huitiesme iour de Novembre; l'an de grace mil six cens trois: Et de nostre regne le quinziésme. Signé,
 H E N R Y, Et plus bas, Par le Roy,
 P O T I E R. Et scellé sur simple queue de circiaulne.

Commission de Monseigneur l'Admiral.



H A R L E S de Montmorancy seigneur de Dāpville & de Meru, Comte d'Escondigny, Vicomte de Meleun, Baron de Chasteauneuf, Gōnord, Mesles & Sauoisi, Cheualier des ordres du Roy, Conseiller és Conseil d'Estat & priué de sa Maieité, Capitaine de cent hommes d'armes de ses ordonnances, Admiral de France & de Bretagne : A tous ceux qui ces presentes lettres verront, Salut. Le sieur de Monts nous a fait entendre; Que poulsé du singulier desir & deuotion qu'il a tousiours eue au seruice du Roy, & recherchant toutes occasiōs de pouuoir de nouveau rendre quelque fidelle preuue à sa Maieité: Il auoit iugé ne luy en pouuoir

donner vn plus certain tesmoignage à present qu'il a pleu à Dieu, pour uoir son Royaume d'vne bonne & heureuse Paix, que de s'appliquer à la nauigation comme il a desia fait cy deuant, à descouuir quelques costes & terres loingtaines despourueues de peuples, ou habitees par gens encor Sauvages, Barbares, & desnuez de toute religion, loix & ciuilité, pour s'y loger & fortifier, & tascher d'en amener les natiōs à quelque profession de la Foy Chrestienne, ciuilisation de leurs mœurs, reglement de leur vie, pratique & intelligence avec les François pour l'vsage de leur commerce: Et en fin à leur recognoissance & submission à l'autorité & domination de ceste Couronne de France; Et specialement pour la descouuerture & habitation des costes & cōtrees de Lacadie, tant pour la temperature des lieux, bonté des terres, commodité de la situation de ladite province, communication & amitié ia commencée avec aucuns des peuples qui se trouuent en icelle. Que sur l'aduiz & rapport nagueres fait par les Capitaines qui en sont derniers retournez de nōbre & quātité de bōnes mynes qui y sōt, lesquelles estant ouuertes pourront apporter be-

aucoup de proffit & commodité. Surquoy
 considerant combien ce vertueux & lou-
 able desseing dudit sieur de Monts est di-
 gne & recommandable, & combien l'heu-
 reuse issue qui en peult proceder sous la
 conduite d'un personnage de telle valeur
 & merite & poulse d'une si bonne affe-
 ction, pourra vng iour estre commode &
 utile au bien du seruice de sa Maiesté, pro-
 fit de ses subiets, & honneur de la France.
 Et outre ce ayant receu diuers aduis; Que
 aucuns estrangers designent d'aller dresser
 des peuplemens & demeures vers lesdites
 contrees de Lacadie, si comme elles ont
 esté iusque icy, elles restent encore quel-
 que temps desertes & abandonnées. P O V R
 ces causes & estant bien & deuement in-
 formez du vouloir & intention de sa Ma-
 iesté, qui sur la remonstrance par nous à
 elle de ce faicte, a donné vng tresprompt &
 fauorable consentement à l'effect de ceste
 entreprise: & concedé audit sieur de
 Monts, la descouuerte & peuplement de
 toutes lesdites costes & contrees mariti-
 mes de Lacadie, depuis le quarantesme de-
 gré, iusques au quarâtesixiesme, & de tout
 ce qu'il pourra auant dans les terres; &
 ce comme nostre Vis-Admiral & Lieute-

nant general tant en mer qu'en terre en tous leſdits pays. Nous en vertu de noſtre pouuoir & authorité d'Admiral, & tant ſuiuans les Edicts antiens & modernes de la marine, Et ſur le reglement ce iourd'huy ſurce pris au Conſeil d'Eſtat de ſadite Majesté. Auons cōmis, ordonné & député, cōmettons, ordonnons & deputons par ces preſentes iceluy ſieur de Monts, pour noſtre Viſ-Admiral & Lieutenant general en toutes les Mers, Coſtes, Iſles, Raddes & contrees maritimes qui ſe trouueront vers ladite prouince & region de Lacadie, depuis les quarantiefmes degrez, iuſques au quaranteſixieſme, & ſi auant dans les terres qu'il pourra deſcouvrir & habiter: Auec pouuoir d'aſſembler par luy, tant ceſte premiere annee que les ſuiuantes, tels Capitaines & Pilotes, Mariniers & Artifans, & tel nombre de vaiſſeaux pourueuz, & telle quantité d'armes, agrets, viures & munitions quil iugera neceſſaire, pour les mener & conduire par toutes leſdites Coſtes, Mers, Iſles, Raddes, & contrees, ainſi qu'il trouuera eſtre plus expedient, pour l'accompliſſement de ladite entrepriſe. Et ſelon les occasions, diſtribuer, departir ou laiſſer les vaiſſeaux és endroits que beſoin

pourra requerir. Soit par la recognoissance des lieux decouuerte des mynes, garde des places & aduenues, ou pour la traite avec les Sauvages, vers la baye saint Cler riuiere de Canada ou autres pays. Construire des forts & forteresses, ainsi & en tels endroits qu'il verra estre plus commode. Comme aussi dresser des ports, haures & autres choses necessaires pour la seure retraitte des vaisseaux François contre tous desseings d'ennemis & incursion, de Pirates. Establir es places susdites tels Capitaines & Lieutenans que besoin sera: Ensemble des Capitaines & gardes des Costes Isles, Haures & aduenues: & pareillement commettre des officiers pour la distribution de la iustice & entretien de la Police, reiglemens & ordonnances. Et en somme gerer & negotier, & se comporter par iceluy sieur de Monts en la fonction de ladite charge de nostre Vis-Admiral & Lieutenant general, pour tout ce qu'il iugera estre de l'aduancement desdites reueues conquestes & peuplement: & pour le bien du seruice de sa Majesté, & establissement de son autorité vers lesdites Mers, Provinces & regions: Avec mesme pouuoir puissance & autorité que nous ferions si nous

nous estions en personne, & comme si le tout estoit icy & par exprez & plus particulièrement specifié & declaré. De ce faire luy auons donné & donnons par ces presentes toute charge, pouuoir, commission & mandement special. Et pource l'auons substitué & subrogé en nostre lieu & place, à la charge de faire aussi soigneusement obseruer par ceux qui seront sous la charge & autorité de toute l'execution de ceste entreprise, les Edicts & ordonnances de la Marine. Et faire prendre nos congez particuliers par tous les capitaines des vaisseaux qu'il voudra mener avec luy tant au dessein de la descouuerte de ladite coste & contrees de Lacadie, que de ceux qu'il voudra enuoyer pour la traite de la Pelleterye à luy permise par sa Majesté pour dix ans vers la Baye de saint Cler & riuiera de Canada. Et nous faire faire bon & fidelle rapport à toutes occasions, de tout ce qui aura esté fait & exploité au susdit dessein; pour en rendre par nous prompte raison à sadite Maieité. Et y apporter par nous ce qui pourra estre requis ou d'ordre ou de remede. Si prions & requerrons tous Princes & Potentats & seigneurs estrangers, leurs Lieutenans gene-

raulx, Admiraulx, Gouverneurs de leurs Prouinces, chefs & conducteurs de leurs gens de guerre tant par mer que par terre, Capitaines de leurs villes & forts maritimes, ports, costes, haures & destroits. Mandons & ordonnons à nos autres Vif-Admiraulx, Lieutenans generaulx & particuliers, & autres officiers de nostre Admiraulté, Capitaines des costes & de la marine & autres estans soubz nostre pouoir & autorité chacun endroit soy, & si comme à luy appartiendra : donner audit sieur de Monts pour le plain & entier effect execution & accomplissement de ces presentes, tout support, secours assistance, retraite main-forte, faueur & ayde si besoin en a. Et en ce qu'ils en pourront par luy estre requis. EN tescmoin de ce, Nous auons à cesdites presentes, signees de nostre main fait mettre le seal de nos armes. A Fontainebleau le dernier iour d'Octobre, l'an de grace mil six cens trois. Signé, CHARLES DE MONTMORANCY. Et sur le reply, Par Monseigneur l'Admiral, signé, Degennes Et scellé du seal des armes dudit Seigneur,

DEFENSES DV ROY

PREMIERES ET SECONDES

à tous ses subiects, autres que le sieur de Monts
 & ses associez. De traffiquer de Pelleteryes
 & autres choses avec les Sauvages, de l'estendue
 du pouuoir par luy donné audit sieur de Monts,
 ny de s'associer avecques les Estrangers, pour
 sous leur nom, ou en quelque autre sorte &
 maniere que ce soit, troubler en icelle traite
 ledit sieur de Monts & ses associez. Sur gran-
 des peynes.

HENRY par la grace de Dieu
 Roy de France & de Nauarre.
 A nos amez & feaulx Conseil-
 lers, les officiers de nostre Ad-
 miraulté, de Normandie, Bre-
 tagne, Picardie & Guyenne: Et à chacun
 d'eux endroit soy:& en l'estendue de leurs
 ressorts & iurisdicions, Salut. Nous auons
 pour beaucoup d'importantes occasions,
 ordonné, commis & estably le sieur de
 Monts, gentilhomme ordinaire de nostre
 chambre, nostre Lieutenant general, pour
 peupler & habiter les terres, costes, &
 pays de Lacadie, & autres circonuoisins,
 en l'estendue du quarantième degré, ius-

ques au quarante sixiesme . Et là establir nostre auctorité , & autrement s'y loger & asseurer : en sorte que nos subiets desormais y puissent estre receuz, y hanter, resider & trafiquer avec les Sauvages habitâs desdits lieux . Comme plus expressement nous l'auons déclaré par nos lettres patentes , expediees & deliurees pour cest effect audit sieur de Monts , le 8 . iour de Nouembre dernier : & suiuant les conditions & articles . Moyennant lesquelles il s'est chargé de la conduite & execution de ceste entreprise . Pour faciliter laquelle, & à ceux qui s'y sont ioints avec luy : & leur donner quelque moyen & commodité, d'en supporter la despence: Nous auons eu agreable de leur permettre, & asseurer; Qu'il ne seroit permis à aucuns autres nos subiets, qu'à ceux qui entreroient en association avec luy, pour faire ladite despence de traffiquer de Pelleterie, & autres marchandises, durant dix annees, és terres, pays, ports, riuieres & aduenues de l'estendue de sa charge . Ce que nous voulons auoir lieu. N o v s pour ces causes, & autres considerations à ce nous mouuans: Vous mandons & ordonnons; Que vous ayez chacun de vous en l'estendue de vos

pouvoirs, iurisdiction & destroits à faire de nostre part: Comme de nostre plaine puissance & auctorité Royal. nous faisons tres-expresses inhibitiōs & defēses, A tous marchans, maistres & Capitaines de Nauires, Mathelots & autres nos subiects de quelque estat, qualité & condition qu'ils soyent autres neantmoins. Et fors à ceux qui sont entrez en association avec ledit sieur de Monts, pour ladite entreprise. Selon les articles & conuentions d'icelles, Par nous arrestez ainsi que dit est: D'equiper aucuns vaisseaux: Et en iceux aller ou enuoyer faire traficq & troque de Pelleterie: & autres choses avec les Sauuages. Frequenter, negotier & communiquer durāt ledit temps de dix ans, depuis le Cap de Raze, iusques au quarātiesme degré, comprenant toute la coste de Lacadie, terre & Cap Breton, Bayes de saint Cler de Chaleur, Isles perrees, Gaspay, Chichedec, Metam, Lesquemain, Tandoufas & la riuiera Canada, tant d'un costé que d'autre, & toutes les Bayes & riuieres qui entrent au dedans desdites costes. A peine desobeissance, de confiscation entiere de leurs vaisseaux, viures, armes & marchandises, au profit dudit sieur de Monts & de ses asso-

ciez, & de trente mille liures d'amende. Pour l'assurance & acquit de laquelle, & de la cohercion & punition de leur d'esobeissance: Vous permettrez comme nous auons aussi permis & permettons audit sieur de Monts & ses associez, de saisir apprehender & arrester tous les contreuenans à nostre presente defense & ordonnance, & leurs vaisseaux marchandises armes & victuailles, pour les amener & remettre es mains de la Iustice, & estre procedé tant contre les personnes, que contre les biens desdits desobeissans, ainsi qu'il appartiendra. Ce que nous voulons & vous mandons & ordonnons de faire incontinent publier & lire par tous les lieux & endroiets publics de vosdits pouuoirs & iurisdicions, où vous iugerez besoin estre: à que aucun de nosdits subiects n'en puisse pretendre cause d'ignorance. Ains que chacun obeisse & se conforme surce à nostre volonté. De ce faire nous vous auons donné, & donnons pouuoir & commission & mandement special. Car tel est nostre plaisir. Donné à Paris, le 18. Decembre, l'an de grace mil six cens trois. Et de nostre regne le quinziésme. Ainsi signé, HENRY. Et plus

bas, Par le Roy, P O T I E R. Et seellé du grand seel de cire iaulne.

Secondes defences.



EN R Y par la grace de Dieu Roy de France & de Nauarre, A tous nos baillifs, Seneschaulx, Preuosts, Iuge de nostre Admiraulté: leurs Lieutenans, & autres nos Officiers & Iusticiers, chacun en leur ressort & iurisdiction ainsi qu'il leur appartiendra, Salut. Nous auons cy deuant commis ordonné & estably par nos Lettres Patentes, du 8. Nouembre 1603. Nostre cher & bien amé, le sieur de Monts, gentilhomme ordinaire de nostre chambre, nostre Lieutenant General és pais, terres, costes & confins de la terre de Lacadie, & autres endroits en la nouuelle Frâce, à plain specifiez par icelles nosdites Lettres, pour habituer ledit pais, amener par ce moyen à la cognoissance de Dieu, les peuples y estans, & là establir nostre auctorité & seruice. Et pour subuenir à la despence qui luy a conuenu & conuient faire, pour l'exécution de ceste entreprise, Par autres nos Lettres Patentes

du 18. Decembre ensuiuant: Nous auons
 donné, accordé & permis audit sieur de
 Monts, & à ceux qui s'associeroiēt avec
 luy seulz, le trafficq de Pelleteries & autres
 choses qui se traittent avec les Sauuages
 esdits confins. Ayant fait tres-expresses in-
 hibitions & defenses, à tous nos autres sub-
 iets de quelque qualité & condition qu'ils
 soyent d'equiper aucuns vaisseaux, & en
 iceux aller ou enuoyer faire trafficq & tro-
 que desdites Pelleteries & autres marchā-
 dises, durant dix anneés avec lesdits Sau-
 uages, frequenter, negotier & communi-
 quer pendant ledit temps, pour cet effect,
 depuis le Cap de Raze, iusques au quaran-
 tiesme degré, comprenant toute-la coste
 de Lacadie, Terre & Cap Breton, Bayes de
 saint Cler & de Chaleur, Isle persee,
 Gaspay, Chichedec, Metan, Lesquemain,
 Tandoufac & la riuier de Canada, tant
 d'un costé que d'autre, & toutes les Bayes
 & riuieres qui entrēt au dedans desdites
 costes. A peine de desobeissance, de cōfis-
 cation entiere de leurs vaisseaux, viures,
 armes & marchādises, au profit dudit
 sieur de Monts & de sesdits associez, & de
 trente mille liures d'amēde. Ce qui auroit
 esté publié & deuemēt fait assauoir par les
 ports

ports & haures des costes de nos prouinces
 Maritimes. Neātmoins aucuns malaffec-
 tionnez à nōstre seruice, nō't laissē depuis
 d'entreprendre ledit trafficq: & qui pis est,
 se promettent de le cōtinuer, sous le nom
 empruntē des Angloys, Flamens, Espa-
 gnolz & autres estrangers, avec lesquels ils
 s'associent. Leur baillent hommes pour
 aller & cōduire leurs vaisseaux, avec mar-
 chandises propres pour y trafiquer. Ce
 qui seroit chose de grande consequence,
 & dōt se pourroit ensuiure beaucoup d'in-
 conueniens. Et seroit par ce moyen ledit
 sieur de Monts frustrē des commoditez
 qu'il s'est proposē d'en retirer à l'aduenir,
 pour se recompenser des grands fraiz qui
 luy a conuenu & conuient encore faire,
 pour l'excecution de ladite entreprise, &
 nous priuer du bien que nous nous en
 estions promis. A quoy iugeant estre tres-
 important au bien de nos affaires, & à la
 dignité de nōstre auctorité, de pourueoir,
 & empescher vne desobeissance & contra-
 uention si preiudiciable à nosdites Lettres.
 P O V R C E S C A V S E S & autres à ce nous
 mouuans. N O V S auons fait & faisons
 iteratiues & plus estroites & expresses de-
 fenses qu'auparauāt, à tous & chacuns nos

subiets de quelque qualité & condition :
 & sous quelque nom, pretexte , & cou-
 uerture que ce soit , n'estans associez avec
 ledit sieur de Monts, de s'associer avec
 lesdits Estrangers, aller ou enuoyer avec eux
 en l'estendue des lieux susdits , pour leur
 donner adresse aucunes personnes ne
 marchandises propre pour negotier avec
 les Sauvages desdites costes, & sous leurs
 noms, ou en quelque autre sorte & manie-
 re que ce soit, troubler & empescher ice-
 luy sieur de Monts & sesdits associez en
 icelle traite de Pelleteries seulemēt: Sur
 peyne de desobeissance & des punitions
 corporelles qui y escheent. Mandons &
 enjoignons à ceste fin, à ce que personne
 n'en pretende cause d'ignorance, A chacun
 de vous en l'estendue & ressort de vos
 iurisdicions & destroits, de faire publier &
 enregistrer ces presentes, Reiterer les sus-
 dites defenses, tenir la main, à ce qu'elles
 soyent exactement obseruees, conforme-
 ment à cesdites presentes, faire souffrir &
 laisser enleuer les marchandises viures &
 autres commoditez, dont ledit sieur de
 Monts aura besoin pour l'effect de ladite
 entreprise . Et ne permettre que autres
 quels qu'ils soyent, enuoyent esdits lieux

aucuns vaisseaux, nauires, viures ne marchandises, desquelles ils se puissent seruir & desquelles on a accoustumé s'ayder pour traffiquer desdites Pelleteries avec les Sauvages. Reseruans neantmoins à nosdits subiects indifferemment la faculté permission & licence libre de la pesche des moulues, & autres poissons de mer : & de freter, equiper, enuoyer & tenir vaisseaux és lieux desdites costes, propres & accoustumees à ladite pesche & non à autre effect, à peine de cōfiscation & pure perte desdites marchandises, viures munitions, nauires, & equipage, récontrez & recongneuz traiter de ladite Pelleterie, au preiudice dudit sieur de Mōts, & ses associez, & qui leur est reserué par nosdites defenses. Le tout nō obstant oppositions ou appellations quelconques pour lesquelles & sans preiudice d'icelles ne sera l'execution desdites presētes & des peines y declarees aucunement suspendue differee ne retardee, desquelles oppositions ou appellations si aucunes interuiennent. N o y sen cōsequeuce de nosdites premieres Lettres nous nous sōmes retenuz & reseruez, retenons & reseruons la cognoissance & icelle attribuee à nostre Conseil d'Estat, priuatiuement à tous au-

tres nos Iuges & Officiers. Mandonns aussi, ordonnons & eniognons à tous nos Lieutenans Generaulx, Capitaines, & commandans en nosdites prouinces, villes places & costes maritimes, Maires, Consuls & Escheuins, Capitoulx & autres Magistrats d'icelles, Donner à l'exécution & obseruation desdites presentes, le soyn, la diligence, ayde & toute autre assistance, dont ils seront requis, ou qu'ils verront & iugeront eux mesmes y estre necessaire. Et d'autant que de ces presentes, l'on pourra auoir affaire en plusieurs & diuers lieux, Nous voylons qu'au vidimus d'icelles fait par l'un de nos amez & feaux Conseiller Notaire & Secretaire, ou autre Notaire Royal, foy soit adioustee, comme au presēt original. Car tel est nostre plaisir: Donnē à Paris le vingtdeuxiesme iour de Ianuier, l'an de grace mil six cens cinq, & de nostre regne le seiziesme. Signé HENRY. Et plus bas, Par le Roy, POTIER. Et scellé sur simple queue de cire iaulne

DECLARATION DV ROY.



ENRY par la grace de
 Dieu Roy de France &
 de Nauarre. Anos amez
 & feaulx Cōseillers, Les
 gens tenās nostre Cour
 des Aydes à Roué. Mai-
 stres de nos ports, Lieu-
 ténans, Iuges & Officiers de nostre Admi-
 rauté, & de nos traittes foraines establis en
 nostre prouince de Normádie, & chacun
 de vous endroit soy, Salut. Nous auons
 cy deuant, par nos Lettres patentes, du 8.
 iour de Nouembre 1603. dont copie est cy
 ioincte, soubz le cōtreseel de nostre Chan-
 cellerie. Ordonné & estably, Nostre cher
 & bié amé le sieur de Monts, nostre Lieu-
 tenāt general, represētant nostre person-
 ne, és costes, terres & confins de Lacadie,
 Canada, & autres endroiets en la nouuelle
 France, pour habiter lesdites terres, Et par
 ce moyen amener à la cognoissance de
 Dieu, les peuples yestans, & là establir no-
 stre auctorité. Et pour subuenir aux fraiz
 qu'il cōuiendroit faire, Par nos autres Let-
 tres patētes du 18. Decēbre ensuiuāt, Nous
 auriōs dōné, pēmis & accordé audit sieur

de Monts, & à ceux qui s'affocioyent avec luy en ceste entreprise, la traite de Pelleteries & autres choses qui se troquēt avec les Sauvages desdites terres à plain specifiez par lesdites Patentes: ayant par le moyende ce quedit est assez donné à ētendre que lesdits pays estoient par nous recognuz de nostre obeissane, & les tenir & adouuer cōme depédances de nostre Royaume & Couronne de France. Neantmoins nos Officiers des traites foraines, ignorant peut estre iusques à ceste heure nostre volonté, veulent au preiudice d'icelle contraindre ledit sieur de Monts & ses associez depayer les mesmes droits d'entree, des marchandises venans desdits pays, qui sont deubz par celles qui viennent d'Espagne, & autres contrées estrangeres, ne se contentant que pour icelles lon ait payé nos droits d'entree deubz aux lieux ou elles ont esté deschargees, & aux autres ēdroits ou elles ont depuis passé par nostre Royaume, que doiuent les marchandises yvenant de nos autres prouinces, & terres de nostre obeissance estant du creu d'icelles. Et de fait vn nommé François le Buffe, l'vn des gardes à cheual du bureau de nos traites foraines à

à Caen, auroit arresté soubs ce pretexte
dés le 11. iour de Nouembre dernier au lieu
de Códé sur Narreau, vingt deux balles de
castors, appartenans audit sieur de Monts
& ses associez, venans desdites terres de
Lacadie & Canada, pretendant pour le
fermier general desdites traittes foraines
de Normandie, nostre Procureur ioint, la
confiscation desdites marchandises. Ce
qui est & seroit grandement preiudiciable
audit sieur de Monts & ses associez, fru-
strez de l'esperance qu'ils auoyent de faire
promptemét argent d'icelles marchandi-
ses, pour subuenir & employer à lachapt
des viures, munitions & autres choses
necessaires qu'il conuient enuoyer ceste
annee avec nombre d'hommes pour l'ex-
cution de ladite entreprise. L'effect de la-
quelle demeurant par ce moyen trauerse
& interrompu au preiudice de nostre ser-
uice, Et voulant y remedier & surce faire
cognoistre à chacun nostre intention, à fin
que l'on n'en puisse pretendre á l'aduenir
cause d'ignorance. **P O U R C E S C A V S E S**
& pour la consideration & merite particu-
lier de cest affaire, du bon succez duquel
parla prudente conduite dudit sieur de
Monts, nous esperõs vn grand bien deuoir

reussir à la gloire de Dieu , salut des Bar-
 bares , honneur & grandeur de nos estats
 & seigneuries. N O V S A V O N S déclaré &
 declarons par ces presentes, Que toutes
 marchādises qui à l'aduenir viendront des-
 dits pays de Lacadie, Canada & autres
 endroits qui sont de l'estendue du pouuoir
 par nous donné audit sieur de Monts &
 specifiez par nosdites Lettres, des 8. No-
 uembre & 18. Decembre mil six censtrois,
 lesquelles ledit sieur de Monts & s'esdits
 associez feront amener desdits lieux en no-
 stre Royaume, suiuant la permission qu'ils
 en ont, ou autres de leur gré cōgé & ex-
 pres consentement, ne payeront autres ne
 plus grands subsides, que les droits d'en-
 tree , & ceux qui se payent d'ordinaire
 pour les marchandises, qui passent de l'un
 de nos Prouinces en l'autre , & qui sont
 du creu d'icelles . Et pour le regard des
 vingt deux balles de Castors saisis & arre-
 stez comme dit est , par ledit François le
 Buffe audit lieu de Condé sur Narreau,
 Pour les mesmes raisons & considerations
 susdites: Nous auons fait & faisons audit
 sieur de Monts & ses associez plaine & en-
 tiere main-leuee d'icelles vingt deux balles
 de Castors. Voulons & nous plaist pronte
 &

& entiere restitution & deliurance leur en
 estre faicte, en payant toutesfois pour icel-
 les, les droitz d'entree en nostre Prouince
 de Normandie, que doibuent lesdites
 marchandises, selon qu'ils se payent au
 bureau estably au lieu de la Barre, entre les
 mains de nostre fermier general desdites
 traittes foraines, ou son Commis audit
 Bureau de Caen, sans autres fraiz ny des-
 pens. Et en ce faisant, voulons & ordon-
 nons, que chacun de vous endroit soy,
 vous faites, souffrez & laissez iouir ledit
 sieur de Monts & sesdits associez, plain-
 ement & paisiblement de l'entier & prompt
 effect de nostre presente declaration, vou-
 loir & intention. **S I V O U S M A N D O N S**
 publier lire & registrer ces presentes, cha-
 cun en l'estendue de vos ressorts que be-
 soin fera, à la diligence dudit sieur de
 Monts & de sesdits associez. Cessant &
 faisant cesser tous troubles & empesche-
 mens à ce contraires. Contraignant &
 faisant contraindre à ce faire, souffrir, & y
 obeir tous ceux qu'il appartiendra, mes-
 mes ledit le Buffe, ensemble nostredit fer-
 mier du bureau de Caen & ses Commis, à
 la deliurance & restitution desdites vingt
 deux balles de castors, & de mesmes à la

descharge des pleiges & cautions, si aucuns font baillez pour assurance desdits castors, & generalmente tous autres, qui pource feront à contraindre par toutes voyes deues & raisonnables: Nonobstant oppositions ou appellations quelconques, pour lesquelles, & sans preiudice d'icelles, ne sera par vous différé. De ce faire nous auons donné & donnons pouuoir, auctorité, commission & mandement special. Et parce que de ces presentes, l'on aura affaire en plusieurs lieux, Nous voulons qu'au vidimus d'icelles deuement collationné par l'un de nos amez & feaulx Conseillers Notaires & Secretaires, ou autre Notaire Royal, foy soit adioustee, comme au presët original. Car tel est nostre plaisir. Donnè à Paris le huitiesme iour de Februrier, l'an de grace mil six cens cinq. Et de nostre regne le seiziesme. Ainsi signé, H E N R Y. Et plus bas, Par le Roy, P O T I E R. Et seellé en simple queuë du grand sceau de cire iaulne.



ENRY par la grace de Dieu
Roy de France & de Nauar-
re. A nos amez & feaulx Con-
seillers, Les gens tenans no-
stre Cour de Parlement de

Paris, Salut. Nous auons pour plusieurs
grandes & importantes considerations or-
donné, commis & estably le sieur de Môts
l'un des gentilshommes ordinaires de no-
stre chambre, nostre Lieutenant general
representant nostre personne és pays,
terres & confins de Lacadie & nouuelle
France, en l'estendue & aux effects plus
particulierement exprimez au pouuoir
que nous luy en auons fait expedier: Et
pour l'execution d'iceluy & de ce que ledit
sieur de Monts a sous nostre bon plaisir
entrepris à ses cousts & despens, & de
quelques vns nos bons subiects & serui-
teurs ses associez desireux de l'accroisse-
ment de nostre authorité, & de rendre
communes & habitables lesdites terres,
à l'vtilité particuliere de nosdits subiets.
Par autres nos Lettres parentes du 18.iour
de Decembre 1603. Nous aurions fait tres-
expresses defenses, à tous nos subiets au-
tres que ledit sieur de Monts & sesdits as-
sociez, de trafiquer de Pelleteries en l'e-
stendue desdits lieux, selon que le con-

tiennent plus amplemēt nosdites Lettres, desquelles voulans que chacun ait plaine cognoissance, & que vous soyez aussi informez de nostre volonté y contenue pour la faire obseruer & executer quand besoin sera. N o v s pour ces causes, vous mandons, ordonnons & tresexpressément enjoignons; Que lesdits pouuoir & commission dont les duplicata sont cy attachez sous le contreseel de nostre Chancellerie, les originaux estans demeurez pardeuers ledit: sieur de Monts. Vous faites lire, registrer, garder & obseruer, & du contenu & entier effect d'iceulx iouyr & vser plainement & paisiblement ledit sieur de Monts & sesdits associez, cessant & faisant cesser tous troubles & empeschemens à ce contraires. Car tel est nostre plaisir. Donné à Paris le 29. iour de Ianuier, l'an de grace mil six cens cinq, Et de nostre regne le seiziesme. Ainsi signé, H E N R Y, Et plus bas, Par le Roy, P O T I E R. Et au dessous. Registré ouy le Procureur general du Roy, Pour iouir par l'Impetrant & ses Associez, de l'effect & contenu. A Paris en Parlement, le 16. Mars, l'an mil six cens cinq, Signé D V T I L L E T. Et seellé en simple queue du grand seel de cire iaulne.

Extraict des registres de Parlement.

VE par la Cour les Lettres patentes du Roy, donnees à Fontainebleau, le 8. Novembre 1603. signees HENRY, Et plus bas, Par le Roy, POTIER, & sceelles du grand seel de cire iaulne. Par lesquelles, pour les causes y contenues, le-dit seigneur commet & establit le sieur de Monts gentilhomme ordinaire de sa chambre, en la charge de son Lieutenant general és pays, terres, costes & confins de Lacadie, Canada & autres endroicts de la nouvelle France, aux charges & conditions contenues en icelles, & és articles y attachez sous le contreseel de la Chancellerie. Autres Lettres patentes du 18. Decembre ensuiuant, Par lesquelles pour faciliter ladite charge, & entreprise faicte par ledit sieur de Monts, & ceux qui se sont ioints & associez avec luy: Et leur donner la commodité d'en supporter la de-

spence. Auroit fait desences à tous mar-
 chans, maistres & Capitaines de Navi-
 res, Mathelots & autres ses subiets autres
 que luy & sesdits associez, d'equiper au-
 cuns Vaisseaux, & en iceux aller ou en-
 uoyer faire trafiq & troque de Pelleterye,
 & autres choses avec les Sauvages. Et ce,
 pendant le temps & terme de dix ans sous
 les peines y contenues. Autres Lettres
 patentes donnees à Paris le 19. Iannier
 dernier. aussi signees, HENRY. Et
 plus bas, Par le Roy, POTIER. Par les-
 quelles, est mandé à ladite Cour, faire lire,
 registrer, garder & observer ledit pouuoir
 & commission contenu esdites Lettres des
 8. Nouembre & 18. Decembre. Dont
 les duplicata sont attachez soubz le con-
 treseel de la Chancellerie, avec les articles
 & remonstrance dudit sieur de Monts,
 & du contenu le faire iouyr & user plai-
 nemēt & paisiblement & sesdits Associez.
 Lesdits articles & remonstrance, requeste
 presentee à ladite Cour par ledit de Monts

tendant à fin de verification desdites Lettres . Conclusions du Procureur general du Roy . Et tout considéré . L A D I T E Cour a ordonné & ordonne , Que lesdites lettres & articles y attachez seront registrez és registres d'icelle , ouy le Procureur general du Roy . Pour iouyr par l'Impe-
trant & ses Associez de l'effect & contenu en icelles . Fais en Parlement , le 16.
Mars, l'an mil six cens cinq . Ainsi signé,
DV TILLET.

Extraict de la permission.


Par la permission de monsieur le Prewost de Paris, ou monsieur son Lieutenant Civil & monsieur le Procureur du Roy . Il est permis à Philippes Patisson , d'imprimer , vendre & distribuer les Commissions du Roy & de monseigneur l'Admiral cy deuant imprimees . Avec defenses à tous Imprimeurs de les imprimer, sur peine de l'aman-
de & de confiscation . Faict le septiesme iour
d'Apuril mil six cens cinq.

Signé, MIRON.

Et au desloubz, LE IAY.








EB
F8355
1605
1
[R]







HT